

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona" broj 7/10), na prijedlog Ministarstva za boračka pitanja, Vlada Zeničko-dobojskog kantona na 177. sjednici, održanoj dana 14.08.2014. godine, d o n o s i

ZAKLJUČAK

I.

Odobravaju se sredstva u iznosu do 140.000,00 KM (slovima: stotinučetdesethiljada konvertibilnih maraka) na ime sufinansiranja nabavke 22 (slovima: dvadesetdva) komada aktivnih invalidskih kolica na mehanički pogon, 1 (slovima: jedna) elektromotorna invalidska kolica i 44 (slovima: četrdesetčetiri) komada antidekubitalnih jastuka za potrebe RVI-paraplegičara sa područja Zeničko-dobojskog kantona.

II.

Sredstva iz tačke I Zaključka isplatit će se iz Budžeta Zeničko-dobojskog kantona za 2014. godinu, razdjel 24, budžetska organizacija 01, potrošačka jedinica 0001, ekonomski kod 614200, subanalitika OAD 205 "Ortopedska i druga pomagala" Ministarstva za boračka pitanja.

III.

Nabavka aktivnih invalidskih kolica na mehanički pogon, elektromotornih invalidskih kolica i antidekubitalnih jastuka kao i uplata sredstava iz tačke I. ovog Zaključka, bit će izvršena na račun firme koja će biti odabrana u skladu sa odredbama Zakona o javnim nabavkama Bosne i Hercegovine ("Službeni glasnik BiH" br. 49/04, 19/05, 52/05, 94/05, 08/06, 24/06, 70/06, 12/09, 60/10 i 87/13).

Ovlašćuje se ministar Ministarstva za boračka pitanja da u saradnji sa Zavodom zdravstvenog osiguranja Kantona izvrši zaključivanje ugovora sa odabranim najpovoljnijim ponuđačem za nabavku naznačenih pomagala.

IV.

Zadužuje se Ministarstvo za boračka pitanja da pristupi izradi Pravilnika kojim će nakon provedenog postupka dodjele invalidskih kolica, regulisti postupak vraćanja ranije dodjeljenih, te proceduru ustupanja istih Crvenom križu na području Zeničko-dobojskog kantona za potrebe drugih korisnika.

Zadužuju se Ministarstvo za boračka pitanja, Ministarstvo finansija i Služba za zajedničke poslove da u skladu sa zakonom i pozakonskim aktima realizuju ovaj zaključak, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/14.

Datum, 14.08.2014. godine

Zenica

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za boračka pitanja,

1x Ministarstvo finansija,

1x Služba za zajedničke poslove,